

COMHAIRLE CATHRACH BHAILE ÁTHA CLIATH

FODHLÍTHE CHUN BRUSCAR A CHOSC AGUS A RIALÚ



Dublin City
Baile Átha Cliath

COMHAIRLE CATHRACH BHAILE ÁTHA CLIATH FODHLÍTHE CHUN BRUSCAR A CHOSC AGUS A RIALÚ

Déanann Comhairle Cathrach Bhaile Átha Cliath, i bhfeidhmiú na gcumhachtaí a thugtar di le Cuid 19 den Acht Rialtais Áitiúil, 2001, Alt 21 den Acht um Thruailliú ó Bhruscar, 1997 arna leasú le hAlt 57 den Acht um Chaomhnú an Chomhshaoil, 2003, na Fodhlíthe seo a leanas a bhaineann le cosc agus rialú bruscair ina limistéar riaracháin.

CUID I

RÉAMHRÁ

Limistéar Feidhme: Beidh feidhm ag na Fodhlíthe seo i limistéar riaracháin Chomhairle Cathrach Bhaile Átha Cliath, dá ngairtear an Chomhairle anseo feasta.

Dáta

Tosaigh: 2 Eanáir 2009

I Sainmhínte: Sna fodhlíthe seo:-

- 1.1** Ciallaíonn **“Ábhar Fógraíochta”** aon rud a dháiltear saor in aisce a mheasann an Chomhairle a bheith á dháileadh chun críoch tráchtála nó chun imeacht nó díol, tomhaltas nó úsáid aon táirgí, earraí nó seirbhísí a chur chun cinn agus áireofar leis dáileadh saor in aisce aon táirge bia nó dí.
- 1.2** Ciallaíonn **“Duine Ceaptha”** duine a cheapann an Chomhairle i scríbhinn chun críoch Fhodhlíthe 2.14, 2.15, 2.18, 3.5, 3.9 agus 3.11 de na Fodhlíthe seo.
- 1.3** Ciallaíonn **“Duine Údaraithe”** duine a údaraíonn an Chomhairle Cathrach i scríbhinn chun críoch na bhFodhlíthe seo nó comhalta den Gharda Síochána.
- 1.4** Fholóidh **“Dáileadh”** ábhar a dháileadh ar dhaoine a théann thart nó a sheachadadh dóibh, ábhar a fhágáil in áit poiblí nó in áit atá tadhach le bóthar poiblí nó cosán lena n-áirítear é a chur ar fheithicilí ach ní fholóidh sé ábhar fógraíochta a dháileadh trí sheachadadh díreach chuig áit ag a bhfuil seoladh.
- 1.5** Ciallaíonn **“Dáileoir”** an duine a dhéanann an dáileadh nó an duine a eagraíonn an dáileadh.
- 1.6** Ciallaíonn **“Dáileadh”** gabháil do dháileadh, mar a shainmhínítear sna Fodhlíthe seo, nó dáileadh den sórt sin a fháil nó a shocrú.
- 1.7** Ciallaíonn **“Bileog”** leathán/leatháin páipéir fógraíochta atá beartaithe lena ndáileadh saor in aisce.
- 1.8** Tá an bhrí chéanna le **“Bruscar”** agus atá leis sna hAchtanna um Thruailliú ó Bhruscar, 1997-2003.
- 1.9** Ní fholóidh **“Áitreabh Ceadúnaithe”** áitreabh a cheadúnaítear go heisiach chun deochanna meisciúla a dhíol lena n-ól lasmuigh den áitreabh.

- I.10** Ciallaíonn **“Áititheoir”** an duine nó na daoine a áitíonn an t-áitreabh, cibé acu úinéir, léasaí, tionónta nó aon duine eile a bhfuil an t-áitreabh faoin rialú de thuras na huaire.
- I.11** Ciallaíonn **“Uaireanta Oscailte”** na hamanna ar lena linn a bhíonn an t-áitreabh oscailte don phobal de ghnáth agus 15 nóiméad tar éis an ghnáth-ama dúnta.
- I.12** Ciallaíonn **“Dáta Feidhme”** an dáta a dtiocfaidh áitreabh, a dearbhaíodh gur áitreabh ábhartha é de réir Fhodhlí 2.14, chun bheith ina áitreabh ábhartha chun críoch na bhFodhlíthe seo.
- I.13** Ciallaíonn **“Pacáistiú”** gabhdán nó cumhdach, a chuirtear i bhfeidhm san áitreabh, chun bia te nó ceapairí nó deochanna te a dhíoltar san áitreabh lena dtomhailt lasmuigh den áitreabh nó san fhearann poiblí a choinneáil.
- I.14** Folóidh **“Duine”** duine aonair nó comhlacht corpraithe.
- I.15** Ciallaíonn **“Fearann Poiblí”** an talamh go léir idir an áitreabh agus an ród poiblí, agus folóidh sé an bóthar poiblí, an cosán poiblí, tuirlingtí príobháideacha, limistéir phríobháideacha a bhfuil ráillí thart orthu agus limistéir féir atá faoi úinéireacht phoiblí nó phríobháideach.
- I.16** Ciallaíonn **“Áit Phoiblí”** aon áit a bhfuil rochtain ag an bpobal uirthi cibé acu mar cheart nó trí chead agus cibé acu faoi réir táille nó saor in aisce.
- I.17** Tá an bhrí chéanna le **“Bóthar Poiblí”, “Cosán Poiblí”** agus **“Ród Poiblí”** agus atá leo in Acht na mBóithre, 1993.
- I.18** **“Ciallaíonn Áitreabh Ábhartha”**
(dá ngairtear “an t-áitreabh” anseo feasta)
- (a) aon struchtúr buan nó sealadach, lena n-áirítear feithicil inneallghluaiste, ina ndíoltar bia te, deochanna te nó ceapairí lena dtomhailt lasmuigh den áitreabh, lena n-áirítear san fhearann poiblí;
 - (b) áitreabh ceadúnaithe, nó
 - (c) áitreabh a ainmnítear mar áitreabh ábhartha de réir Fhodhlí 2.15.
- I.19** Ciallaíonn **“Ceapaire”** 2 shlisne aráin nó níos mó, rolla aráin nó a leithéid a dhíoltar le líonadh.
- I.20** Ciallaíonn **“Comharsanacht”** an bóthar poiblí (ach gan an ród poiblí a áireamh), an cosán poiblí, tuirlingtí príobháideacha agus limistéir féir san fhearann poiblí laistigh d’achar 50 méadar gach taobh den áitreabh.
- I.21** Aon tagairt sna fodhlíthe seo d’Acht nó do Rialacháin, folóidh sé tagairt don Acht sin nó do na Rialacháin sin arna leasú.

CUID 2

ÁITRIBH BIA BEIR LEAT AGUS CHEADÚNAITHE

- 2.1** Coimeádfaidh áititheoir áitribh an fearann poiblí saor ó bhruscar agus ó smáil le linn uaireanta oscailte an áitribh.
- 2.2** Déanfaidh áititheoir áitribh, nach áitreabh ceadúnaithe é, faireachán ar chomharsanacht an áitribh le linn uaireanta oscailte an áitribh chun a chinntiú go gcothabhálfar an limistéar saor ó bhruscar agus bainfidh sé nó sí nó cinnteoidh sé nó sí go mbainfear an bruscar sin go léir láithreach. Déanfar an faireachán agus an bhaint sin ag am oscailte, ag am dúnta agus uair amháin ar a laghad le linn gach tréimhse uair an chloig le linn uaireanta oscailte.
- 2.3** Déanfaidh áititheoir áitribh dá dtagraítear i bhFodhlí 2.2 a chinntiú, ar chostas an áititheora féin, go bhfuil líon leordhóthanach boscaí bruscair i láthair san fhearann poiblí. Ní mór don áititheoir cead i scríbhinn a fháil roimh ré ón gComhairle maidir le líon, sonraíocht agus suíomh na mboscaí bruscair sin.
- 2.4** Déanfaidh áititheoir áitribh, ar áitreabh ceadúnaithe é, faireachán ar an bhfearann poiblí le linn uaireanta oscailte an áitribh chun a chinntiú go gcothabhálfar an limistéar saor ó bhruscar agus bainfidh sé nó sí nó cinnteoidh sé nó sí go mbainfear an bruscar sin go léir láithreach. Déanfar an faireachán agus an bhaint sin ag am oscailte, ag am dúnta agus uair amháin ar a laghad le linn gach tréimhse uair an chloig le linn uaireanta oscailte, ach amháin le linn na dtréimhsí 10.30 a.m. go 12.30 p.m. agus 3 p.m. go 7 p.m. nuair a dhéanfar faireachán agus baint an bhruscair uair amháin ar a laghad le linn gach tréimhse dhá uair an chloig.
- 2.5** Déanfaidh áititheoir áitribh ar áitreabh ceadúnaithe é, ar chostas an áititheora féin, líon leordhóthanach boscaí toitíní, de réir mar a chinneadh an Chomhairle, a sholáthar san fhearann poiblí.
- 2.6** I gcás ina soláthraítear bosca bruscair de réir Fhodhlí 2.3 nó bosca toitíní de réir Fhodhlí 2.5 san fhearann poiblí, cinnteoidh an t-áititheoir go ndéanfar foráil leordhóthanach, de réir mar a chinneadh an Chomhairle, chun na boscaí sin a fholmhú agus a chothabháil.
- 2.7** Coimeádfaidh an t-áititheoir Sceideal, ina dtaifeadfar na gníomhartha a dhéanfaidh an t-áititheoir chun Fodhlíthe 2.2 go 2.6 a chomhlíonadh, de réir mar is iomchuí, san fhoirm a leagtar amach in Aguisín 1 de na Fodhlíthe seo. Coinneoidh an t-áititheoir an sceideal sin ar feadh tréimhse míosa ón dáta mura gceanglaítear air nó uirthi an doiciméad sin a thabhairt suas do dhuine údaraithe laistigh den tréimhse sin de réir Fhodhlí 2.13.
- 2.8** Má mheasann duine údaraithe nach leordhóthanach na forálacha a dhéanann an t-áititheoir chun ceanglais Fhodhlíthe 2.1 go 2.7 a chomhlíonadh, féadfaidh an duine údaraithe na bearta is gá chun ceanglais na bhFodhlíthe seo a chomhlíonadh a shonrú i scríbhinn agus comhlíonfaidh an t-áititheoir dá réir sin.

- 2.9** Cuirfidh an t-áititheoir Fógra frithbhruscair ar taispeáint san áitreabh san fhoirm a sholáthróidh an Chomhairle.
- 2.10** Déanfar an Sceideal dá dtagraítear i bhFodhlí 2.7 agus an Fógra dá dtagraítear i bhFodhlí 2.9 a thaispeáint san áitreabh i suíomh feiceálach atá infheicthe ag an bpobal.
- 2.11** Beidh ainm agus seoladh an áitribh soiléir ar phacáistiú na n-earraí uile atá ar díol san áitreabh.
- 2.12** Féadfaidh duine údaraithe chun críoch na bhFodhlíthe seo dul isteach sna háitribh nó san fhearann poiblí le linn uaireanta oscailte chun na Sceidil agus an Fógra dá dtagraítear sna Fodhlíthe seo a iniúchadh nó chun aon chríche eile a bhaineann leis na Fodhlíthe seo.
- 2.13** Aon uair a théann duine údaraithe isteach in aon áitreabh nó san fhearann poiblí, de bhun na bhForálacha seo, féadfaidh an duine údaraithe ann, de réir mar is iomchuí—
- (a) na grianghraif sin a ghlacadh agus na cigireachtaí sin a dhéanamh,
 - (b) an fhaisnéis sin a éileamh ar áititheoir an áitribh nó ar aon duine a fhostaítear san áitreabh,
 - (c) a cheangal go ndéanfar an Sceideal agus an Fógra dá dtagraítear i bhFodhlíthe 2.7 agus 2.9 a thabhairt ar aird agus a iniúchadh agus cóipeanna a dhéanamh díobh nó sleachta a thógáil astu, nó aon Sceideal nó Fógra den sórt sin a thógáil más gá chun críoch cigireachta nó scrúdaithe,
 - (d) a cheangal go ndéanfar na taifid nó na doiciméid sin a thabhairt ar aird agus cóipeanna a dhéanamh díobh nó sleachta a thógáil astu, nó aon taifead nó doiciméad den sórt sin a thógáil más gá chun críoch cigireachta nó scrúdaithe, a mheasann an duine údaraithe, ag féachaint do na himthosca go léir, a bheith riachtanach chun aon chumhacht a thugtar dó nó di faoi na Fodhlíthe seo a fheidhmiú.
- 2.14** I gcás, i dtuairim duine ceaptha, ina bhfuil áitreabh, nach áitreabh ábhartha chun críocha na bhFodhlíthe seo, ina fhoinse shuntasach truaillithe bruscair, seirbheálfaidh duine ceaptha fógra ar an áititheoir á rá go bhfuil sé beartaithe an t-áitreabh a dhearbhú mar áitreabh ábhartha agus á chur in iúl don áititheoir go bhféadfaidh sé/sí laistigh de 14 lá, na cúiseanna a lua i scríbhinn nár cheart an t-áitreabh a dhearbhú mar áitreabh ábhartha.

- 2.15** Tar éis do dhuine ceaptha breithniú a dhéanamh ar fhreagra an áititheora de réir Fhodhlí 2.14, dearbhóidh duine ceaptha áitreabh mar áitreabh ábhartha nó tabharfaidh sé nó sí fógra don áititheoir i scríbhinn nach ndearbhófar an t-áitreabh mar áitreabh ábhartha chun críocha an Fhodhlí seo.
- 2.16** I gcás ina ndearbhaítear gur áitreabh ábhartha an t-áitreabh de réir Fhodhlí 2.15 chun críocha na bhFodhlíthe seo, seolfar fógra faoin gcinneadh sin don áititheoir agus sonrófar san fhógra sin, inter alia, an dáta feidhme nach mbeidh níos luaithe ná 21 lá ó dháta an fhógra.
- 2.17** I gcás inar dearbhaíodh áitreabh mar áitreabh ábhartha faoi fhorálacha Fhodhlí 2.15, féadfaidh an t-áititheoir, tráth nach luaithe ná 6 mhí tar éis an dáta feidhme, iarratas a dhéanamh chuig an gComhairle go ndéanfaí an dearbhú a chealú.
- 2.18** Más rud é, tar éis an t-iarratas sin a bhreithniú, go bhfuil duine ceaptha den tuairim nach bhfuil an t-áitreabh ina fhoinse shuntasach truaillithe bruscair a thuilleadh, féadfaidh sé nó sí an dearbhú a chealú le héifeacht ó dháta sonraithe.
- 2.19** Ní dhéanfar aon ní sna Fodhlíthe seo a fhorléiriú mar laghdú ar fhreagrachtaí reachtúla duine faoi reachtanna eile.

CUID 3

ÁBHAR FÓGRAÍOCHTA A DHÁILEADH

- 3.1** Is cion é aon ábhar fógraíochta a dháileadh chun críoch tráchtála ach amháin de réir fhorálacha na bhFodhlíthe seo.
- 3.2** Ní dháilfidh aon duine ábhar fógraíochta in áit phoiblí mura bhfuil ceadúnas dáilte bailí i bhfeidhm, dá ngairtear ceadúnas anseo feasta, arna eisiúint ag an gComhairle nó ag a gníomhairí de réir na bhFodhlíthe seo.
- 3.3** Ní dháilfidh aon duine ábhar fógraíochta in áit phoiblí ach amháin i gcomhréir le forálacha ceadúnais.
- 3.4** Beidh cóip den cheadúnas ar fáil lena iniúchadh i gcónaí ag aon duine a dháileann ábhar fógraíochta agus tabharfaidh sé nó sí ar aird é do dhuine údaraithe nó do chomhalta den Gharda Síochána ar iarratas.
- 3.5** Ní dheonófar ceadúnas do na haicmí ábhair fógraíochta seo a leanas (a) bileoga ná (b) aon ábhar ar dóchúil, i dtuairim duine ceaptha, go mbeidh truailliú suntasach bruscair mar thoradh air.
- 3.6** Ní dheonófar ceadúnas le haghaidh dáileadh ábhair fógraíochta i Sráid Grafton, Sráid Anraí ná Sráid Uí Chonaill.
- 3.7** Féadfaidh an Chomhairle diúltú ceadúnas a dheonú
- (a) más rud é, i dtuairim na Comhairle, go mbeadh líon na gceadanna don suíomh sin ag an am sin iomarcach mar thoradh ar dheonú an cheadúnais sin nó
 - (b) más rud é, i dtuairim na Comhairle, nár cheart ceadúnas a dheonú ar chúiseanna Sláinte agus Sábháilteachta.
- 3.8** Féadfar ceadúnas a dheonú fara nó d'éagmais coinníollacha do dháileoir, faoi réir Fhodhlí 3.9, tar éis chomhlíonadh na nithe seo a leanas chun sástachta na Comhairle
- (a) Comhlánú foirme iarratais go substaintiúil de réir Aguisín 2.
 - (b) Fianaise shásúil a thabhairt ar aird go bhfuil árachas reatha ag an iarratasóir lena dtugtar slánaíocht iomlán dó nó di féin, dá ghníomhairí nó dá gníomhairí agus don Chomhairle i leith gach éilimh, lena n-áirítear éileamh ó thríú páirtithe, suas le teorainn slánaíochta atá sásúil don Chomhairle.
 - (c) Plean sásúil bainistithe bruscair/dramhaíola a sholáthar. Beidh socruithe mionsonraithe sa phlean chun bruscar a eascraíonn as dáileadh an ábhair fógraíochta a chosc agus chun an t-ábhar sin, nó ábhar comhionann, a bhaint den limistéar laistigh de gha 100 méadar ón suíomh/ó na suíomhanna dáilte. Féadfaidh an dáileoir na bearta atá le déanamh chun a chinntiú go gcomhlíontar an Fodhlí seo a dhéanamh nó féadfaidh an dáileoir socrú a dhéanamh leis an gComhairle Cathrach chun na bearta sin a dhéanamh.

- (d) Má mheasann an Chomhairle Cathrach go bhfuil gá le bearta chun bruscar a chosc agus/nó a ghlanadh sa bhreis ar na bearta atá beartaithe sa Phlean Bainistithe Bruscair/Dramhaíola, féadfaidh an Chomhairle Cathrach a cheangal go ndéanfar na bearta sin agus féadfaidh sí iad a áireamh mar choinníoll ceadúnais.
- (e) Íocaíocht táille €250.
- (f) Aon fhaisnéis eile a bhfuil gá léi, i dtuairim na Comhairle, chun an t-iarratas a chinneadh.
- (g) Deimhniú Imréitigh Cánach reatha a chur isteach.

3.9 Agus an t-iarratas á bhreithniú aici, tabharfaidh an Chomhairle aird ar chomhlíonadh choinníollacha na gceadúnais a eisíodh roimhe seo faoi na Fodhlíthe seo ag an iarratasóir agus féadfaidh an Chomhairle diúltú ceadúnas a dheonú má rinne an t-iarratasóir nó aon dáileoir a oibríonn faoi cheadúnas a eisíodh don iarratasóir, i dtuairim duine ceaptha, sárúithe leanúnacha nó tromchúiseacha ar na coinníollacha seo agus, go háirithe, má eisíodh fíneálacha ar an toirt agus/nó imeachtaí dlíthiúla i leith sárúithe ar an gcuid seo de na Fodhlíthe seo nó ar na hAchtanna um Thruailliú ó Bhruscair, 1997-2003 i leith ceadúnais a deonaíodh roimhe seo faoi na Fodhlíthe seo.

3.10 Más rud é, i dtuairim na Comhairle, nach gcomhlíonann an dáileoir forálacha an Phlean Bainistithe Bruscair/Dramhaíola nó coinníoll ceadúnais a fhorchuirtear de réir Fhodhlí 3.8 go sásúil, féadfaidh an Chomhairle Cathrach, ar chostas an dáileora, aon bheart glantacháin agus/nó coiscthe is gá a dhéanamh.

3.11 Féadfaidh duine ceaptha ceadúnas arna eisiúint a chealú tráth ar bith i gcás, ina thuairim nó ina tuairim, ina raibh sárú tromchúiseach ar choinníoll ceadúnais arna eisiúint de réir na bhFodhlíthe seo nó sárú tromchúiseach ar na hAchtanna um Thruailliú ó Bhruscair, 1997-2003 mar thoradh ar oibriú na gníomhaíochta ceadaithe.

3.12 Beidh na nithe seo a leanas san áireamh i gceadúnas

- (a) Ainm agus seoladh an oibreora
- (b) Na dátaí agus na hamanna a fhéadfar ábhar fógraíochta a dháileadh de réir an cheadúnais
- (c) Na suíomhanna inar féidir an t-ábhar fógraíochta a dháileadh
- (d) An cineál/na cineálacha ábhair a fhéadfar a dháileadh
- (e) Aon choinníollacha a fhorchuireann an Chomhairle.

3.13 Ní bheidh feidhm ag na Fodhlíthe seo maidir le dáileadh ábhair fógraíochta tráchtála trí sheachadadh díreach chuig áit ag a bhfuil seoladh.

CIONTA

Forfheidhmiú

Signed: 

Litter Prevention Officer

Date: 16/02/2022

- 4.1 Féadfaidh duine údaraithe a iarraidh ar aon duine ar dealraitheach go bhfuil foráil de na Fodhlíthe seo á sárú nó sáraithe aige nó aici staonadh ón sárú sin.
- 4.2 Má sháraíonn aon duine aon fhoráil de na Fodhlíthe seo, féadfaidh an Chomhairle, de bhun Alt 206 den Acht Rialtais Áitiúil, 2001, Fógra Íocaíochta Socraithe a sheirbheáil ar an duine sin, ina sonrú íocaíocht shocraithe, mar mhalairt ar ionchúiseamh i leith an tsáraithe sin. Is é €75 méid na híocaíochta socraithe agus ní mór an íocaíocht shocraithe sin a íoc laistigh de 21 lá ó dháta seirbheála an Fhógra Íocaíochta Socraithe sin má tá ionchúiseamh le seachaint ag an duine sin.
- 4.3 Tá aon duine ar a seirbheáiltear Fógra Íocaíochta Socraithe i dteideal neamhaird a dhéanamh den Fhógra sin agus ionchúiseamh i leith an tsáraithe líomhnaithe a chosaint sa chúirt.

RABHADH

Beidh duine a sháróidh aon fhoráil de na Fodhlíthe seo ciontach i gcion faoi Alt 205(1) den Acht Rialtais Áitiúil, 2001 agus dlífeair, ar é nó í a chiontú go hachomair, fíneáil nach mó ná €1,904.60 a chur air nó uirthi. Má leanfar d'fhoráil de na Fodhlíthe seo a shárú tar éis an chiontaithe, beidh an duine is cúis leis an sárú ciontach i gcion breise gach lá a leanfar den sárú agus dlífeair, ar é nó í a chiontú go hachomair i leith gach ciona den sórt sin, fíneáil nach mó ná €126.97 in aghaidh an lae a chur air nó uirthi faoi Alt 205(2) den Acht Rialtais Áitiúil, 2001.

Aon duine a chuireann cosc nó bac ar iarraidh duine údaraithe nó a dhiúltaíonn di, ar duine údaraithe é nó í a bheidh ag gníomhú i bhfeidhmeanna arna dtabhairt don duine údaraithe ag Cuid 19 den Acht Rialtais Áitiúil, 2001, beidh sé nó sí ciontach i gcion faoi Alt 204(3)(a) den Acht sin ó 2001. I gcás ina bhfuil duine údaraithe den tuairim go bhfuil cion lena mbaineann Alt 204 nó Alt 205 den Acht Rialtais Áitiúil, 2001 á dhéanamh nó déanta ag duine, féadfaidh an duine údaraithe ainm agus seoladh an duine sin a éileamh agus má dhiúltaítear don éileamh sin nó má thugann an duine ainm nó seoladh atá bréagach nó míthreorach, beidh an duine sin ciontach i gcion faoi Alt 204(3)(b) den Acht sin ó 2001. Dlífeair duine a chiontaítear i gcion faoi Alt 204(3) den Acht Rialtais Áitiúil, 2001, ar é nó í a chiontú go hachomair, fíneáil nach mó ná €1,904.60 a chur air nó uirthi.

Arna dhátú an lá seo de 2008.

I láthair nuair a greamaíodh Gnáthshéala CHOMHAIRLE CATHRACH BHAILE ÁTHA CLIATH de seo.

AGUISÍN I

Fodhlíthe Chomhairle Cathrach Bhaile Átha Cliath chun Bruscar a Chosc agus a Rialú

Ainm an Áitribh _____

Seoladh _____

Sceideal Cigireachta / Glantacháin

Am:	Am:	Am:
Limistéar Scrúdaithe	Limistéar Scrúdaithe	Limistéar Scrúdaithe
Limistéar Glanta	Limistéar Glanta	Limistéar Glanta
Boscaí Bruscair	Boscaí Bruscair	Boscaí Bruscair
Folmhaithe	Folmhaithe	Folmhaithe
Am:	Am:	Am:
Limistéar Scrúdaithe	Limistéar Scrúdaithe	Limistéar Scrúdaithe
Limistéar Glanta	Limistéar Glanta	Limistéar Glanta
Boscaí Bruscair	Boscaí Bruscair	Boscaí Bruscair
Folmhaithe	Folmhaithe	Folmhaithe
Am:	Am:	Am:
Limistéar Scrúdaithe	Limistéar Scrúdaithe	Limistéar Scrúdaithe
Limistéar Glanta	Limistéar Glanta	Limistéar Glanta
Boscaí Bruscair	Boscaí Bruscair	Boscaí Bruscair
Folmhaithe	Folmhaithe	Folmhaithe
Am:	Am:	Am:
Limistéar Scrúdaithe	Limistéar Scrúdaithe	Limistéar Scrúdaithe
Limistéar Glanta	Limistéar Glanta	Limistéar Glanta
Boscaí Bruscair	Boscaí Bruscair	Boscaí Bruscair
Folmhaithe	Folmhaithe	Folmhaithe
Am:	Am:	Am:
Limistéar Scrúdaithe	Limistéar Scrúdaithe	Limistéar Scrúdaithe
Limistéar Glanta	Limistéar Glanta	Limistéar Glanta
Boscaí Bruscair	Boscaí Bruscair	Boscaí Bruscair
Folmhaithe	Folmhaithe	Folmhaithe
Am:	Am:	Am:
Limistéar Scrúdaithe	Limistéar Scrúdaithe	Limistéar Scrúdaithe
Limistéar Glanta	Limistéar Glanta	Limistéar Glanta
Boscaí Bruscair	Boscaí Bruscair	Boscaí Bruscair
Folmhaithe	Folmhaithe	Folmhaithe

Sínithe: _____

1. Marcáil le ✓ má rinneadh an fheidhm nó le ✗ mura ndearnadh í.
2. Ní mór an doiciméad seo a choinneáil ar feadh míosa mar d'fhéadfadh sé go n-éileoidh Comhairle Cathrach Bhaile Átha Cliath é lena iniúchadh.

AGUISÍN 2

IARRATAS CHUN ÁBHAR FÓGRAÍOCHTA A DHÁILEADH

1. Ainm/Seoladh an Iarratasóra

Ainm: _____

Seoladh: _____

2. Sonraí teagmhála an duine atá ag déileáil leis an iarratas

(má tá sé difriúil leis an ainm thuas)

Ainm: _____

Seoladh: _____

Uimhir Theileafóin: _____

Uimhir Fóin Póca: _____

Seoladh Ríomhphoist: _____

Uimhir Facs: _____

3. Sonraí teagmhála an duine atá i mbun faireacháin ar dháileadh an

ábhair *(Ní mór go mbeifear in ann teagmháil a dhéanamh leis an duine seo ar fhón póca i gcónaí agus an t-ábhar á dháileadh)*

Ainm: _____

Uimhir Fóin Póca: _____

4. Suíomhanna ina ndáilfear ábhar

(Luaigh ainm na sráide agus an suíomh ar an tsráid ina bhfuil sé beartaithe agat an t-ábhar a dháileadh)

5. Dáta(i) ar a mbeidh an t-ábhar le dáileadh

6. Amanna ar lena linn a bhfuil sé beartaithe ábhar a dháileadh

7. Líon na ndaoine a bheidh ag dáileadh an ábhair

8. Líon na míreanna le dáileadh

9. Déan cur síos ar chineál an ábhair atá le dáileadh.

10. Déan cur síos ar an gcaoi a ndáilfear an t-ábhar

(e.g. á thabhairt do dhaoine a théann thart, á fhágáil ag an suíomh, eile)

II. Polasaí Árachais Dlíteanais Phoiblí

(Cuir isteach deimhniú árachais le do thoil)

Uimhir an Pholasáí: _____

Dáta Éaga: _____

Ainm na Cuideachta Árachais: _____

Ainm an Árachaí: _____

An Méid Faoi Árachas: _____

12. Aontaím a chinntiú go ndéanfar an t-ábhar seo a dháileadh i gcomhréir le forálacha Fhodhlíthe Chomhairle Cathrach Bhaile Átha Cliath chun Bruscar a Chosc agus a Rialú, 2008, an Phlean Bainistithe Dramhaíola/Bruscair agus aon choinníollacha a fhorchuireann Comhairle Cathrach Bhaile Átha Cliath i ndáil leis an gceadúnas seo.

Síniú _____

Bloclitreacha _____

Teideal _____

